

五

山

陽

清

鈔


賴久太郎

三

919.5

R15a

h



338410

山陽詩鈔卷之五

賴襄子成著

己卯

奉母遊嵐山前此丁外艱奉西遊不遊五年矣

不到嵐山已五年萬株花木倍鮮妍最忻阿母同衾
枕連夜香雲暖處眠

芳山

侍輿百里度嶙峋花落南山萬綠新
筍蕨侑杯山館夕慈顏自有十分春

萬堆香雪委塵埃自恨芳山在一來
澗道餘寒真好

意勒花幾樹較遲開

花蹊無處著啼歸寺寺樓臺開戲娛杉檜參天春日
黑荒陵誰弔後醍醐

和州路上

小市平橋路幾又法隆寺遠接當麻行人買醉和州
路滿野東風黃菜花

題牛糲從母奔圖

以下十一首送母到執往反

索乳柔拳凍欲龜白旄佗日挽回春可憐命薄成終
始又作芳山踐雪人

猴戲圖

尋常語使人憶起曾遊趙閑關
太平有象村村酒似讓此句
能言難言之事過巧亦不妨

失脚何年墮鎖纏朝三暮四柱跳梁倦眠猶夢故林
否柿栗累累方飽霜

米元章書石圖

雲動霜毫作壁窠弩強劍快試如何平生十紙總嫌
輒石丈堪為吾質麼

淵明漉酒圖

缸面欣看綠蟻浮急須露頂試新菑傍人休道吾巾
汗巾上青天已屬劉

畫鯉

一江春水綠溶溶綠藻波邊好唼喙三十六鱗吾事

詐語出正論妙

安分之意如此
道出乃清新

了厭聞故友化為龍

雜畫

輸稅山城魁姑歸茅簷烟火飯香時忍飢不食先喂
馬振鬣長鳴喜可知

發尾道

候潮昨夜未離津晨看舟船作比鄰誰識烟橋林立
底蓬窻有個讀書人

愛聽鄰舟櫓軋咿買魚蓬底小傾危篋中抽得劍南
集閱到松滋魁泊詩

湖秦水

子成慣客
旅其詩皆
可歌

一二非熟舟行
者不能解

機云柳柳州遊
記

山彎疑到水窮處岸豁還逢人住鄉竹翠沙明家八

九門門魚網曬斜陽

在備題山水圖

雲光打水水搖欄滿紙烟波墨未乾吾亦有樓鳧水

上秋來明月附誰看

發岡山

農歌夾路競分秧憶昨薰風理旅裝三備淹雷知幾

日隴雲滿目半成黃

謝月峰師贈梅

看梅如評字瘦硬乃可貴肥條將繁葩何與桃李異

此等詩不解者
以為凡腔也

演說不冗老筆
老筆

竹田云文情相
生筆隨意到極
肖坡翁

昨就遠公乞欣然手剪貼口謝腹未饜爲花少佳致
歸家插且看安排不愜意然杖擬再索不忍重相累
何料君割愛寄至更拭背其技何槎牙清癯見娥眉
枝老著花疎珊瑚綴絞淚信手簪餅中天然好位置
不煩改嚮背忍觸蓓蕾當吾觖望時何曾形眼鼻
君心如鏡明照臍無遜避世念吾已灰百美總屏弃
獨梅存夙因貪愛如名利看之已累花剪之更肆恣
愛緣成寃業刀鋸斷其臂懺罪古先生引接君家事
併度梅與吾來生同佛地

鴨河寓居雜詩

天民云僕曾
有句云烟合
疑無岸火過知
有橋亦此意也

欄干亞字俯晴灣水淨沙明落照間捲起湘簾挂頰
坐一痕雲影過前山
書幌沈沈鎖月明酒醒枕上剔殘檠鄰樓笑語人初
定錯認水聲爲雨聲
夜山幾尺出欄橫俯聽蒼烟罩水聲月黑橋身看不
見唯從燈影認人行
幾股沙流感夕暉樓樓向剋捲簾幃誰家鴨陣記樓
處攪亂波紋相喚歸

看餅梅偶書

鬆几銅瓶護玉肌滿窻初日影參差去年耶馬溪頭

路衝雨征鞍逢一枝

贈茶翁丹酒賦此為副

才高笑小詩戶大嫌甜酒白傳當日日昌黎吾移贈
君君空受時詩沾沾喜短律掣鮫故應推老手豪來
引杯捲白波詩才酒量皆八斗聊致丹釀助吟筆與
君詩味鬪醇厚小才瓶缶非君敵獨有周師稱富有
譬之泉酒釀萬斛病在一甜終非耦君詩雋辣餘味
長咀嚼吾祖不負右藍尾杯盡氣猶馥此酒真稱君
紅友

兩瓢歌奉寄春風杏坪二叔

春風云自山谷
贈秦晁脫胎

一瓢黝而鬢疑是驪龍睡遺肝一瓢頰而短又詩赤
鳳來墮卵吾獲兩瓢薇山陽肌密皮厚飽風霜憶吾
兩叔竝所愛遙寄為君充酒漿黝者贈長叔應稱玄
德甘山谷頰者贈少叔欲頌火色飛食肉采菊東籬
插在腰勸農杏村挈於僕瓢腹量飲飲不饒必能堅
壽如此瓢唯恐酒盡瓢輕時輒念小姪跡飄飄

除夜

寒燭光消猶吐烟酒醒街柝伴愁眠平頭四十驚吾
老何況明朝又一年

庚辰

開春初三日雪諸友來訪遂相攜遊東山

追容履痕初印處及吾酒力未消時自嘲狂態老依
舊逢雪已狂花可知

東樓賞雪未昏鴉擬向山房乞椀茶折竹碍人過不
得橫尋別路到君家

○上元日同諸友賞梅伏水

去年大雪沒山坡壓折溪梅塌地斜玉骨雖摧心未
死猶能臥放半身花

題畫二首

雲氣遮峰脚群松在半天遙知澗翠底應有剝苔仙

殊作還何如

鮑寒思小飲買酒橋西市歸路覺殊長風吹堆葉起

春琴至

即事卻難此平
穩

小酌休嫌有核空猶能抵敵峭寒風闌披画軸評敎
深春燭剩炒幾寸紅

○東山首春書事

千當作萬

寒盡香臺春未生冷雲殘雪護華鯨一聲撞破千家
夢句引綺羅爭出城

○寓樓所見

白搖簾押手風暄已認東山花事繁寺寺紅雲供指
點高為長樂下知恩

以經為談資空
不免主人之諷

小竹云發唱句
東坡恐覺肩
知是新香魚
機云此魚恐是
鏃柄者
實境成詩各極
佳趣而不及山
鼻一律清穩

既刻附集中不
復煩評

小竹云二律可
當序文十言
機云衣白一句
可謂茶翁肖像

○錦城叟來訪待以所藏伊丹酒

待君斗酒一開樽不似京醪如蜜甘胸裡九經成磊
魂澆餘勿惜發新談 叟云九經談少作更有新見

遊沙河

泥乾郊路柳花飛幽約追晴自不連滴瀝山瓢攜酒
冽啜啜野店煮魚肥遠林老綠映新綠游客生衣交
熟衣更擬歸家為一咲村籬乘醉折薔薇

○同元瑞遊伏水遂至菟道

江風吹雨動輕衫柳外欄干酒半酣俯看柳絲與雨
脚一齊斜作綠毵毵

驟雨遙雷翹放晴夾江綠樹暮烟生一分斜照不收
盡猶傍鷺鷥飛處明

○題管茶山先生詩卷

草莽龍鍾一老臣緒餘小技亦超倫許身稷契自知
拙論世義農誰復真永夜研朱點周易終年衣白是
山人高陽混跡甘韞晦名字何圖達薦紳

唯許周師難弟兄遠神獨覺幾籌贏渡河無跡求香
象翻海何人掣巨鯨一代風騷推老將五言爾雅最
長城寸心得失知應確卻索雌黃向後生

○墨梅

曾記前溪洗研時黑波倒蘸一枝枝幻得冰魂將雪
魄驪珠萬顆照鬚眉

○○題田君彝畫蔬

野蔬上筆寄情長根葉經寒雜紫黃憶得山園留我
宿帶霜摘到滿盤香

○烹葷

竹笋與松葷菜中誰爭席抑霸春與秋各自標風格
其味足孤行不用借外物如何墮俗庖腥臊動相危
紫葷小家數猶嫌鹽豉迹况此群蔬雄一隊各拔戟
吾家有制度百法從擺落嫩葷帶土香紫玉不須擘

恨不顧荀字
機云東坡公

鐵錫活火魚玉脂泣瓊液酒漿助其滋摘抽發精魄
爽氣流齒開腹貯西山碧此訣秘不傳昔受採芝客

○寓樓所見

郊樹秋澆紅爛班霜融萬瓦午暉間客來徐捲湘簾
起露出檐間錦綉山

題畫

近遮林樹遠遮山誰道雲閑何可閑獨有泉聲遮不
住故穿溪處作潺湲

文章已愧老彫蟲何暇含毫學畫工此筆慣爲盤硬
語試描層巘勢橫空

差強人意

乳林

不輸山鼻一律

兩水縱橫燕尾分平林古廟數家村瀨多石處知魚
脆天稍寒時愛酒溫吟坐怕驚棲鳥起醉歸愁蹋板
橋翻密陰避暑猶如昨早已稀疎露月痕

高雄

萬株楓葉疊秋霞下有溪流一道斜最是初陽射林
隙紅雲堆裡掣金蛇

通天橋

上方山暝宿金喧澗底紅楓照酒尊非有鐘聲相報
道何緣知得是黃昏

余娶婦未幾丁艱至此獲一男兒志喜

沒田沒宅一寒儒生子猶慶得丈夫數幅雲烟雙古
研阿爺傳汝護持無

癡心祝汝誦詩書措大生涯又舉雛唯有呱呱聒人
耳此聲早勉化啾啾

拳如山蔽半舒芽膚似海榴新脫花只管啼號覓母
乳嬌腫猶未識爺爺

病羸廼舉一嬌兒愁絕家尊不及知莫類乃翁師乃
祖窮慶面骨有遺姿

桂玉艱難纔樹門唯愁離隔北堂萱家書新有承歡

處報向天涯獲一孫

○福井丹州裝舟張樂於嵐峽邀余賞楓

觀楓有約卜今晴曉枕愁聞雨滴聲生怕門前泥一尺謝君飛轎故相迎

排當小部助歡娛無奈溪風寒逼膚恰好炙笙兼炙手人供宣德古銅爐

○遊山鼻

隔水霜林密又疎理筇恰及小春初野橋分路行穿竹村店臨流喚買魚醉後索茶何待熟談餘得句不須書聯吟忘卻歸途遠點點紅燈已市間

行步閒所得如此者罕使人如躡其地知是二條新地

○題香雪翁鼓琴小照短歌

香雪作書畫如其鼓琴瑟指所不到存雅韻不必麻姑癢處肥墨痕瘦硬拙藏巧時為梅竹亦槎牙陸沈侯門五十歲狡獪戲人咲啞啞空雷遺像在人眼脫屣塵世如蛻蛇吾題此詩卻路阻恐呵俗書著塗鴉猶憶研北夕呼酒一聲裂帛墮燈花

○畫款冬花

蔬圃春風長嫩芽綠苞孕得小黃葩馬蹄紫陌思陳迹逢著僧房是此花

○觀青山人所藏介石翁畫那智瀑圖引

讀此詩恨不見其人

青山人壁挂山水那智瀑泉著南紀溪溪霜重秋葉
燃白龍跳出紅雲裏誰點深者介石翁分明山脈與
水理翁與山人皆紀人心眼所證筆筆是聞畫脫幃
卷在几誰持一觸紀侯視侯曰吾土有洵美呼翁依
樣畫一帋此我管內觀何難不欲豫遊擾遠通張圖
屏障朝夕遊不須六駟裏庚癸翁老久厭役手指命
不可拒重奏技竊罵山人累老夫越毫和墨窮日晷
山人林躍潛拊髀畫媒姓名微侯耳更慶兩軸同圖
樣與侯分藏他無此君不見五十萬封侯所履山人
蝸廬豈比擬一幀雲烟臥遊境所領幅員卻相似

題自畫

○雲烟結習未曾除研凍毫枯廢靜娛今日晴窗稍伸
腕矮纒又作小橫圖

○一幅生縑不用琴醉來雲整手掀翻傍人爲怕墨頻
泣何識糝糊藏筆痕

○題畫

石路霜乾踏葉行秋林連日正牢晴溪山深處有過
雨卻向峰前爲水聲

○謝筱承弼惠牡蠣用東坡蜀菜詩韻

插竹爲斷竹帶葉撈泥不辭奉爲蔬牡蠣之田獨我

粟山翁書亦似
有此意

天民云造語奇
險用押縱橫腕
底疑有五丁

起手揭出姓名
為專崇文正為
下出正大議論
地用意不苟
第二句又為傾
囊張本

護翁稱南郭詩
為寡二使觀此
篇不知下何等
評

語活動欲走

插入二家所謂
不善人善人之
資

藝天寒潮縮尤脆滑鮮新不借鹽鼓美調理唯須桂
姜辣東來此味墜香渺回頭海天雲一抹謝寄一籃
明吾眼肌膚臧白新脫甲片片出岫喬雲皴顆顆生
烟寒玉茁腹腴帶苦無佗腸鄉味自知不可說不須
挂帆學張翰一嚼羈愁忽如脫

〇〇倪文正公真跡引

賴襄之家徒四壁僅置破硯與蠶精卻藏條幅長九
尺有明倪文正公跡五言八句字拳大墨色如漆入
絹理絹尾煌煌兩巨章曰倪元璐太史氏其詩贈石
齋書之示仲謀石齋是姓黃仲謀定名流一幅聚三

賢每展正襟拜不休憶昔大瑞據國善類空屠揚戮
袁還磔熊人凶邦瘁固其所纔能枝梧有數公思廟
用公恨已勉國勢一本難可返親疾瀕死寧不藥陳
力就列空蹇蹇四面黃雲壓城來烽火燭天天下垂
五堵一卒盡烏散御衣血詔萬古悲起整衣冠拜北
闕几上大書絕命詞南都可為死吾分聊志我痛勿
斂尸其書想與此幅似筆畫老勁無媚姿渡海東來
有意否海若呵護辟蛟螭裏也一見倒囊囊奪來萬
目徒昭聘錢謙益張瑞圖非不善詩非不善書納媚
閣豎籍逆案賣降仇雙黃長裾吾怪世人珍手跡金

結處顧五言八句
天民云此等之作行輩無以奉贊但舉老杜二句曰毫髮無遺恨波瀾獨老成情語即成好詩

躑躅軸視琳瑜呼嗟哉何如我家四十字字字忠魂

毅魄之所寄四面黃雲以下數事皆據明季遺聞南都可為兩句即公絕命詞見本傳

○得春風叔書依其除夕韻卻寄時按刊先君遺集

一出家園十歲除都門挂玉計何如敝衣顛倒裁兒

襟故紙縱橫校父書桑梓丈人猶矍鑠雁魚尺牘未

稀疎殷勤包裹傳鄉味為助儒餐意有餘

○除夜

生兒自壁遠遊心燈底叭叭伴醉吟說著吾儂併說

汝遙知老母坐宵渡

山陽詩鈔卷之五

山陽詩鈔卷之六

賴襄子成著

後藤機校

辛巳

元日

○故帑堆中歲過強猶餘筆削志偏長東窻掃几迎初

日讀起春王正月章

得家書

○新歲得家書先喜平安字席裏與薦包件件未開視

析書忙讀之矮帑字累累老母頗健飯未至艱臥起

念吾嘗桂玉儒餐之肥美紅魚買疎鬚綠禽除反背

宛然在目

剖解鹽豉貯拮据勞手指書中知詳悉慈容違顏咫尺
脫色色味新寸功片片是為羹何忍嚙感泣遙拜跪
十年徒遠遊何以供甘旨反哺吾未能仍使母哺子
回首愧烏鴉眼斷暮山紫

○
協也已二十老成足持家賴汝不西顧浪遊養我病
辰也生京寓夢兆非虺蛇協喜得其弟慶書寄天涯
分植紫荆樹爭榮棘鄂花不論異其胞氣同受於爺
所恨齒相絕如蘭抽勉茅指拳太嫩脆啼號徒咿啞
何日能作字寄兄書塗鴉

五聲五影詩

余不喜詠物嫌其類啞謎耳嚮見社友賦梅
影忽發技痒遂連詠影聲各五費三數日精
神今搜故紙得焉益題讀之雖吾或不能猜
為何詠也微尤罪甚錄資一噓

雨聲

午簾影滅送遙雷一榻微風幽夢回酒渴思茶茶未
熟愛聞琴筑遠檐來

水聲

夜病溪亭燭影愁閑聞簷溜瀉高秋起推窗戶知非
雨石瀨娟娟碎月流

退之木強猶投
兒女好於子成
乎何誅

江辛夷云聲韻
清幽

鳥聲

落紅狼藉曉烟濛何物間關送好音嫩日上簾人未醒一聲喚起惜花心

茶聲

禪榻愛聞茶鼎鳴細如寶瑟大如笙十年一魁揚州夢何識人間有此聲

櫓聲

一雙柔櫓下秋潭咿軋聲中雨意酣攪破高齋獨夜夢誤聞雁語宿淮南

簾影

春烟著地弄輕明不省微風動水晶霧縠界筵看有色瀟波侵座聽無聲直隨雲片過時滅斜向月光來處生錦瑟側邊難掃去依依相戀太多情

橋影

淡薄輕羅界碧流一條虹現兩條秋鮫綃出水新辭杼鏡鎖橫江不礙舟雲散葛陂龍已蛻天明銀漢鵲猶浮憧憧波底看人馬還訝溫犀照渚洲

旗影

滿積寒光霜絕瑕幾條獨見印胡沙無風欲亂烽烟直有月還隨弓影斜旭日臨城間虎豹春雲蒸硯動

辛夷云典雅

辛夷云攪字殊佳

辛夷云結巧思恨用典欠醒

辛夷云領聯甚雄壯惜乎詰弱不振

龍蛇東風別有升平象
杏雨初晴認杜家

水中梅影

獨弄清姿立雪晨
寒泓映出曉妝新
輕冰缺處霜無
暈細浪搖時玉有
皴近岸橫枝迷倦
雀點波芳蕊誤
游鱗幻痕猶奪水
仙艷未許渠儂誇
鞦韆塵

美人影

眠驚胡蝶認嬌痕
俯仰猶知笑語溫
青鎖髻髮烟黯
淡玉階裙帶月黃昏
湘簾燈滅春如夢
華帳香騰夜
返魂最是鞦韆日
斜處和他花影出
芳園

寄懷江辛夷

雲帆幾度趁冥鵬
混幾鴟夷與可乘
山館書聲交夜
雨海樓酒影亂春
燈經年蘭若護題
墨一咲黎渦猶
舊朋何日擘箋成
唱和片心相似玉
壺冰
穿眼秋帆來底遲
奈何游跡巧參差
周年會晤無天
合隔海心情有月
知鴻雁纔傳寄吾
字玲瓏應唱憶
君詩擬聞錦瑟同
尊酒雲樹茫茫未
可期
歸鴻來燕苦相尋
回首崎陽落日沈
曾得交書如接
膝未能識面且知
心扶桑枝脆猶樓
息行李途遐豈
盡簪篸底雲烟存
縞紵此情獨與墨
痕淡

移居築園雜詠

小竹云前聯極
巧極自然

機云放翁

此什批點係
天民五山兩
家

家面東山常眼明朝嵐夕翠机間橫吾儂怕折看山
福翻把琴書移入城

城居雖惡且棲遲旋理荒園旋縛籬昨日山妻相報
道新栽苦竹忽生兒

幾弓第地手犁鋤碎瓦成堆難可除誰料吟翁小經
濟築將場圃執秋蔬

飯餘摩腹步晴曦掌大吾園亦可嬉瞿麥花開人未
覺何來小蝶聖先知

灌泉階畔露淋漓展簟牀頭感細漪浴罷呼杯杯未
到一盆茉莉欲開時

○月黑湘簾燭影淡當階獨酌夜沈沈暗香撲酒何花
發不是鬢華定玉簪

○曾養一盆魚子蘭著花每怯露痕乾避日移來簾影
底觸他金粟落闌珊

○牽牛恣意上籬來狂蔓爭高亂翠堆昨夜被風吹倒
了房房向地卻花開

○傍墻種桂養金葩當砌栽蘭護玉芽更記山僧許斷
送畱將餘地待梅花

○結椽殷勤扶菊苗無如秋雨打柔條隨扶隨倒花狼
藉不似先生愧折腰

似袁中郎

札云亦放翁

凍蠅認暖開書窻料得新霜壓瓦重茉莉建蘭皆婦
子同居此室共過冬

○臨階置酒割浮瓜今日寒窻深掩紗不奔敗簾何所
用護霜蔽得牡丹芽

○○題畫

第四語似髻蘇
秋溪水縮露崖沙秋樹葉脫夕陽多誰結茅屋因溪
樹繞欄水光鏡新磨十年容跡輒紅裏開圖夢境依
稀是門無剝啄案有書人世適意寧有此應是讀倦
倚欄角樓禽定處聞魚躍

想語亦是画景

○題自畫山水學叔明法者

山如解索樹蓬鬆漫把工夫學阿蒙莫道峰巒無赭
色寫他夕照沒殘紅

墨韻舊遊美濃詩示村瀨子錦

病羸纔護蒲桺質文章無復劍刃筆獨餘傲骨猶崢
嶸不向車塵屈此膝寒窻燈火自堪娛富貴稔知一
病遠滿室古人皆吾友攤書每學懶祭魚

○嵐山歸途口占

許由未知此味
逢花還認太秦祠嵐峽歸來未夕時瀝瀝殘瓢傾欲
盡斜陽猶在最高枝

橋元元吉來寓我家

怕看畫作難飽
客何如

煎茶呼酒總隨緣
匝月雷君亦偶然
藏畫無多怕看
畫日開一幅品雲烟

○同內藤士謙遊亂林遇雨

澗流受雨亂珠飛
乍霽林梢猶夕暉
把酒水亭看颯
色不嫌殘滴濕人衣

○贈元瑞以茉莉

一盆茉莉數花披
擬送嬌香倩宛危
記否鳧川納涼
夕銀燈影裡看冰肌

○題竹洞山人畫

雨後青山越樣青
流雲暖翠媚朝晴
繞溪欲訪同心

友滿路新泥不可行

聞河孔陽整理乃翁遺集寄此詩以懲愆之

西野先生東隅起
藝苑不復說七子
登壇老將世稔
聞天明文政幾四紀
陶娛菴鑄詩佛
左提右挈爰詞
風享保餘薰
膝盡屈譬如二十四
考中書令
城煙總自部下
出聞說令嗣
整遺編
黎棗半離人
爭傳討論潤色俊
雄足武庫弓戟定
森然君不見
攻擊沈痼空峻劑
激成別症固其勢
轉輟相學弊終生
逢蒙無罪况罪
弄末流自濁源
自激此集真可蘇
醒世吾知令嗣書
法世所服與翁詩
學可相角何不細
楷手寫此

橋梓交映照人目用曹娥擬麻姑某卷靈飛某陰符
學詩者讀詩學書者玩書詩墨筆陣兩樹幟如此奇
愜曠代無

○送大含師遊漢

連雲大野半荆榛仰看蘇山雪似銀億萬離心曾暴
骨憑君停錫弔青燐

○校外史竟宴分賦近古英雄吾得安土公

艱危寧料狐濡尾顛躓誰悲狼跋胡七道荆榛鋤未
了畱將一半付家奴

中秋同薩人大河原世則飲時世則將歸

麀城鳧水幾雲岑逢月何時又盍簪同把一杯杯裏
影他年分照各天心

△是夜初雨後晴

簷收點滴月揚明獨起幽階夜幾更欲暖殘樽妻已
睡雨痕滿地總蟲聲

十六夜同諸友遊三樹坡酒樓

捲簾水閣待嫦娥呼酒高歌月出歌月已來時酒亦
到杯中欄外共金波

○題利休居士像

杯椀經評卽百城可憐瓊醢先韓彭卻滕猿卽鬼長

子成詠史每見
驚人

餘清風傳得一家聲

○卽事示柘生

忍凍晨窗起讀書憶曾負菱滯燕都老我疎慵非復
昔臥聞童子誦咿唔

半江生欲借余所藏明吳己山水賦此謝之

一幅江山欲借君荊州何比鬪劉孫唯因供養如魚
水鎖住雲烟不出門

題雜畫三首

壓流花幾樹下有撐舟容花影碎還生舟行不見跡
沙際蛇行水塘頭雁齒橋漁舟閣高處日暮落寒潮

畫筆秋毫末游蹤春夢間茫茫青幾點莫是筑豐山

折園菊獻日野亞相公

此花何可插金餅霜壓風凌斜又橫野菊真如野人
樣亂頭粗服對公卿

相公招飲卽事

禁樹蕭蕭聚暮鴉彤雲淡處是天家日短相公朝退
廻坐看銀燭落高花

○柘尾山歌

霜楓壓溪疑無水架溪一橋斜通寺晨霜漸融路猶
濕粥魚聲隔錦雲裏認是辨公遺跡處溪邊茗圃猶

四句是三尾實景

子成亦垂老境

賊泰意在搜龍
種亦在鎖樞家
疑恨老僧亦為
其所騙子成讀
史眼透紙背恨
不及此

可指一自恣雲萌雀舌靈液蘇得世界熱誰洗鋌血
聽塵言想應予坐許對啜一椀喚醒英雄夢九世傳
授淡泊訣君不見佛圖待石虎如海鷗就若此公化
武州減騎知過此橋入若個紅樹繫紫驪且借僧榻
談千古不妨又呼雪乳甌

○墨菜

摘滿春盤露未乾烟苗雨甲日供餐十年誤落紅塵
陌鄉味空於畫裏看

○鷓鴣圖

飲啄逍遙爾許娛一枝到處託微軀寄語大鵬天大

翼南冥有樹可棲無

山水小景五首

天籟

○幾樹翻塵烟春江天已曙唯聞鶯語聲不見鶯樓處

收帙獨支頤前林見倦翼哦詩字未安檐角來冥色

○出門逢友到袖裏帶詩來看詩為未勉且共公看梅

○菊老有餘香空階寒日薄秋林夕多風木葉掃還落

淡處味濃
遇巧

木葉馬頭飛揮鞭手欲裂林梢風壓開遠嶺皆成雪

○畫蝶

花房隨處即吾廬領畧春風在鐵鬚粉翅不輸鵬翼
大幻開蒙叟小華胥

機云此律而帶古體者手書余余裝而藏之

四律竝緝密

世張來訪賦示

風雪京城喜汝過寒窻偶坐夜如何分襟肥港月搖
酒聯步筑山泥沒靴話起舊遊燈數剔吟成新句筆
頻呵老來日覺詩才退此事當憑相刮磨

四寒詠

蔣藏園有十寒詠大抵係無情物余就有情中
拔痛痒最相關者作四寒詩

○寒僕

渠亦人兒語惻然胼胝此際最堪憐雪郊尋路隨驢
後霜曉開門趁狗先冰結長鬚汲泉夕風吹禿髮送

夕作井若澗天作筵若船何如

窮天防寒飄酒分餘瀝豈可終朝勞汝肩

○寒婢

破屋猶從舊主人履霜赤腳太酸辛景忙寧暇眉成
繭水凍無論手欲龜早起撻蔬遭雪沒遲眠補綻與
燈親註詩鄭叟還呵筆何忍泥中肆怒瞋

机云先生欲改繭字履辱下悶而未有一佳字以荅之用典不泛

○寒犬

五柝無陰風數驚守門黃耳可憐生看梅歸絕昏搖
瓦賞雪期來曉發聲檐短難逃霜氣重巷深時警月
光明想他輞水淪漣處僮僕眠醒聞豹鳴

○寒貓

冬烘瑟縮愛吾廬自咲疎慵酷類渠矮室旣熏寧有
鼠貧廚經凍最無魚宵長衾角眠分半午暖爐邊坐
借餘卻是呷呷呼儷衣鄰檐梅影月升初

冬日間居雜詠

○桂玉雖艱猶逸居紅塵尙得一屢廬廢毫鋒退可爲
畫故紙背明猶學書妻計禦冬親漬菜客思娛夕手
攜魚休言此際無詩本瓶裏寒花香有餘

○喜晴檐瓦見晨霜無事冬猶覺日長空與盆蘭分半
暖杯從餅菊借餘香蘇文偶讀愛奔放米帖頻臨忘
努張自喜吾貧未到骨一尊常有美醪藏

叙寫瑣碎處頗
似尊叔先生

○街拆聲聲伴客愁短檣風霰夜殊稠翻來舊稿時接
筆剔盡殘燈又喚油詩力自嘆強弩未鄉心敢望大
刀頭成名小技違初志懶向扮揄面友傳

○撥爐黃卷擁牛衣老悟功名盡駭機煨芋何曾期沁
貴食糠徒被怪平肥燈花向榻開還落雪片過窻歇
又飛聞說河湟新復舊杜生迂論未全違

○送歲寒燈又帝州酒醒爐冷暗生愁有骨何論千里
馬無家自分一沙鷗鱸聲密雪濃川渡鞭影斜陽薩
嶺秋回首萍蹤成昨夢舊吟零落倩誰收

除夕進退韻

子成嘗私策遠
事其言有驗也

放翁

休論烏兔如跳丸，開宴全家且解顏。老婦製衣聊整
楚嬌兒學步尚槃跚。詩成酒醉酒醒裏，歲換燈明燈
暗間。韓叟木強甘世笑，送窮未必說寒酸。

壬午

○卽事

新年無客問寒家，閑誦吟毫字似鴉。汲得一瓶井華
水，半供老研半梅花。

訪春琴

茶聲燈影稍生春，相見同知白髮新。知道閏年回暖
餠，中寒玉未成皴。

試筆二字足下
嘗使余改之今
那用之文衡山
屢用以謂熾首
始書如何

机云知道作且
喜何如

梅花水仙同瓶圖

槎牙缺骨吐寒香，寧借緇裘護雪霜。知爲輕盈無氣
力，倩君扶得過瀟湘。

○雨竹

寫個琅玕雨裏明，想聞窗外蟹沙鳴。故園兄弟應無
恙，何夜連牀聞此聲。

○伴蘭竹

烟梢露葉儘平安，誰貌清姿墨未乾。應念孤寒無伴
侶，爲將餘瀋寫幽蘭。

懸崖竹

根託懸崖苦節多月明倒照影婆娑記來羅漢寺邊
路鳳尾垂垂梢帽過

○同士謙巨海遊沙河

嫩麥抽針菜茁芽東城已可岸鳥紗鴨鳧拍拍流初
暖牛犢牟牟日欲斜雪盡總無無草處林開時有有
梅家一瓢辨酒備微倦返照橋邊魚可叉

○奉送日野相公東下 公二月望上途往反卅日

馬頭東去背春暉唯願還鑣期不違巷柙園桃應未
老月圓上路月圓歸

○伊豫野間生攜一研山甚奇余見欲得之生日

苟謝以詩不敢不割愛因用東坡仇池石韻賦
贈

四句蓋冰

希榮愛朱紫好色思粉綠老悟一身外百物皆蛇足
獨餘愛山障殄秀未饜腹脚跟堪踏雲塵裡空瑟感
渴瞻如調飢譬羊闕獨牧見君一拳奇呀窪縮岳瀆
洞竄疑湧霧峰秀如削玉觸我烟霞溷發動按難伏
昨夜燈生花喜事忽可卜輟君久周旋與我新追逐
何圖坐市闕居然撫山谷烟雲瞥過眼髯蘇戒物欲
他日石易畫紛紛較直曲孰與君曠懷弃寶如此速
○瀧生要我杜嵐峽捕香魚

窄韻限韻而從
容自如使人卻
步余未見其石
恐不如此詩峻
絕難攀

老杜何仲默之遺警

繩聯木片截溪灣。一舟牽之勢彎環。舟行漸疾繩漸曲。驅得鱗鱗聚岸間。衆漁擲網爭神速。魚隊驚亂路迫蹙。大者跋扈落漁手。小者遁逃出網目。溪光涵鱗腮。帶黃苦氣沁腸腹。含香噉喙上串泣。玉液聶切下。醬嚼蘭肪。錦街樵巷寧無此。翠鱗總化軟塵紫。遇君佳招割芳鮮。始知香魚香如是。

○題柳陰待渡圖

翠楊踈地蘸。連漪舟子貪眠。舟到遲囑與奚童。且休喚綠陰藉草聽黃鸝。

○竹田自杵築客舍寫海物題詩來寄和韻書其

傍卻答

五年前為南豐客。俯仰舊歡已陳跡。聞君杵城雷遊。索西望空見海烟碧。恨不海樓共酒卮。酒痕狼藉各污衣。棘鬣出潮鬣。猶怒膾上金盤勢欲飛。嗟吾一自京輦還。思鮮四面皆隔山。腰裏馱致豈無路。真味變在彈指間。

○題牡丹辛夷合圖為南豐渡邊生生春來來寓
京今將歸也

木末芙蓉欲破顏。理裝東上冒春寒。紛紛開落誰相管。淹滯洛陽看牡丹。

人間万事皆為口。子成此嘆亦壯強。時事而已如余甘為淮南王。食客為可恨也。

余賞此詩人恐不允

中秋獨飲于銅駝橋茶店憶曾與亡友武景文
為此遊景文逝五年于今矣

金波破碎小灘流孤店傾飄賞半秋唯使老夫乘興
著蘆簾竹榻即南樓

水聲月色舊龜河五度中秋奈爾何手酌流光一杯
酒不知滴到九泉麼

○夜半醉醒不寐獨起更飲
繞枕蟲聲眠不成起溫殘酒剔燈青此間清味無人

共獨有秋花立夜餅
○題雜花游蜂圖

聞千楫時不寐
輒命飲或把杯
間雜可謂二阮
同嗜也
子成舊不解飲
當時未知此妙

桃花紅艷映梨花引得游蜂鬧午衙應有春闈人晏
起坐看花影墨窓紗

賀半江生解宦 半江向來偶故及
相逢每歎素心違不待抽簪覺昨非若是閑雲我野

雀從今相伴自如飛
偕隱無如宿志違廿年同夢是耶非出樊老雀憐孤

影恨不江湖對對飛
○泛舟伏水遂至菟道觀楓

攜朋載酒放輕橈撐過漁家小板橋竹籬荻籬曾醉
處門前繫纜買魚苗

境

如畫

同佐竹邨監遊沙河次其韻邨在鴨西與沙河
相去數里而已

疎槐高柳夕陽紅、旗店招人一水東、好個醉鄉途咫尺、官情不到酒林中

○再遊沙河

渠水寒漪感夕陽、買魚邨店小呼觴、侍童落後緣何事、擷得霜芹滿把香

詩律巧綴似費工夫、子成則咄嗟而辨是爲異、佗人耳然較諸西遊卷覺英氣差撓

晉帥

子成詞兄寄示其薔薇園小稿命余品評余受讀之
麻姑搔痒無復一語可措停宿六年今此返壁其中
係舊作者手猶覺硬西遊以後諸作首首圓滑精神
動人豈所謂得江山助者乎但聲影諸詠則所不首
寫子成云詠物詩嫌類啞謎此不太然苟類啞謎則
非詠物善者蓋題讀之知其爲何詠詠物之妙究竟
在此世或以啞謎爲詠物者不中子成之意故致此
說乎余嘗詠帆影其中一聯云兩竿殘日風全死一
桁青山雨始收子成明眼恐不以爲啞謎詠聲比影
更爲失體刪而可也至詠史諸律則半生史學一時

陶鑄出來殆如讀集句又似誦李滄溟文碎錦班斲
使人眼眩實是千古枝倆雖百無絃竟不能抵隻句
鳧脰鶴頸要應相讓爲之一噓余六年間此冊不離
机右如與子成相話一燈之下今日忽別不能不黯
然爲浮一太白以送其行不知達日紙葉之間猶留
酒痕否丙戌上元後一日五山池桐孫

山陽詩鈔卷之六 終

